

中華民國二十二年十月初版
中華民國二十七年十月七版

藥性辭典

全一冊

▲實價國幣一元

編著者 吳克潛

發行人 樊劍剛

印刷者 大眾書局

出版者 大眾書局

總發行所 上海四馬路 大眾書局

代售處 各省各大書局

此書高第街
翻印必究

上海大書局
印行

藥性字典

醫國吳克潛編

二 畫

丁香

【產地】產安南及我國西藏兩廣等地。有丁香及鷄舌香二種。丁香又名公丁香。鷄舌香又名母丁香。性質相似。綱目香木類。

【性味】味辛。性溫。無毒。

【主治】丁香爲健脾胃。補腎陽要藥。主去胃寒。理元氣。療虛噦。止瀉利。治口氣冷氣。腎氣奔豚。陰寒腹痛。風毒風蠱。

【開寶】主溫脾胃。止霍亂擁脹。風毒諸腫。齒疳。能發諸香。

【李珣】風蠱骨槽勞臭。殺蟲辟惡去邪。治奶頭花止五色毒痢。五痔。

【大明】治口氣冷氣冷勞反胃。鬼疰蠱毒。殺酒毒。消疥癬。療腎氣奔豚氣。陰痛腹痛。壯陽煖腰膝。

【保外】療嘔逆甚驗。

【元素】去胃寒。理元氣。氣血盛者勿服。

【綱目】治虛噦。小兒吐瀉。痘瘡胃虛灰白不發。

【註】蠱。腐蝕也。疳。疳症之腐蝕者。風蠱。因風生蟲而腐蝕者。骨槽風。耳前及腮頰腫痛。久則牙牀骨內腐潰者。奔豚。腎積病也。有氣從少腹起。上衝胸腹或咽喉。仍復還止。宜服奔豚丸及增損五積丸。五痔。牡痔。牝痔。腸痔。脈痔。血

痔也。

【用量】普通三分至一錢。

【禁忌】凡病非屬虛寒，一切有火熱證者忌。呃逆由於熱者大忌之。忌見火，畏鬱金。

【附錄】

【雞舌香】主風水毒腫，霍亂心痛，治心腹冷氣不和，吹鼻殺腦疳。

【編者按】呃逆之治有三。寒呃用丁香柿

蒂湯，熱呃用五汁飲。（梨汁地栗汁鮮草

根汁麥門冬汁鮮藕汁或蔗漿，單用一二

汁如梨汁地栗汁蔗漿亦可。）至於普通

偶然之呃逆，只須清痰理氣，切不可誤認

而妄用丁香也。

九香蟲

【產地】產貴州赤水河中，大如指頭，狀似水黽，身青黑色，入藥綱目蟲類。

【性味】味鹹，性溫，無毒。

【主治】九香蟲主壯元陽，通滯氣，

【綱目】主胸膈滯氣，脾胃虧損，壯元陽。

【括要】治肝胃氣滯，腰腹疼痛，及脾胃虛弱

泄瀉，用九香蟲一兩半，車前子新會皮於

朮各四錢，杜仲八錢，共研末，蜜丸，名烏龍

丸，每服錢半，取效。

【註】元陽，命門真火也。壯年命火盛，則食

量多而精血足。老年命火衰，則多腰痠

腿軟，便溏溺多，陽痿精少也。

【用量】普通一二錢。

【禁忌】胃火血熱者慎用。

人中白

【產地】乃人溺沉澱白色。經久而乾者。以童子便壺及老僧溺器多年。其中所製得之人中白爲最佳。綱目人類。

【性味】味鹹。性平。無毒。

【主治】人中白爲除熱降火要藥。主大衄。諸竅出血。肌膚汗血。治痘疹煩熱。口咽生瘡。清三焦火。敷治瘡毒。

【唐本】主療鼻衄。湯火灼瘡。

【蘇恭】燒研主惡瘡。

【大明】治傳尸勞熱。肺痿。心膈熱。吐血羸瘦。渴疾。

【綱目】降火消瘀血。治咽喉口齒諸瘡。疳腫諸竅出血。肌膚汗血。

【括要】治痘瘡倒陷。煨爲末。水服之。治走馬牙疳。煨末。加麝香少許貼之。

【註】大衄。大吐血。或鼻中大出血。傳尸勞瘵。蟲傳染之病。多由精氣內虧。或得之病人傳染。或得之臨尸哭泣。變化甚多。疳腫。竅中作癢。生蟲。成瘡發熱。多生於鼻中。曰鼻疳。由疳蟲上蝕所致。倒陷。痘已透發飽滿。忽然膿漿退去。毒反內攻者。虛症倒陷。宜補托。實症則或開發透毒。或清裏解毒。人中白則用以清裏解毒者也。走馬牙疳。胃中火熾。牙肉突然腐爛。勢如走馬之速。牙齒盡

脫。血肉發黑者爲胃爛不救之症。

【用量】普通八分至二錢。外用無定量。

【禁忌】凡虛寒及溏洩。或陽虛無火。食不消者均忌。

〔編者按〕人中白降相火消瘀血。諸瘡多由血毒火盛。故治之甚驗。著名方劑有人中白散。其一（人中白麝香蝦蟆蘆薈）內服治小兒疳氣。寒熱。積滯不化。肚腹脹痛。其二（人中白孩兒茶冰片黃蘗白礪砂薄荷青黛黃連）外用治小兒走馬牙疳。口疳。膿耳。手廉瘡。腿上瘡。痔瘡。其他用入喉症。風火。疫毒。血熱之方者甚多。不勝枚舉。

人中黃

【產地】乃從糞便中製出者。法以甘草入竹內。兩端閉緊。浸糞池中。經久則甘草得糞清之氣。而穢濁則不入也。立春後取出入藥。綱目人類。

【性味】味苦（或作甘）性寒。無毒。

【主治】人中黃爲解熱毒要藥。主入胃通行五臟。大解熱毒。治天行熱疾。惡瘡。瘟疫。療中菌毒。藥毒。

【大明】主天行熱狂。熱疾。解中諸毒。惡菌毒。惡瘡。

【括要】解胃家熱毒。治溼毒。大解五臟實熱。及痘瘡因熱黑陷。

【註】惡瘡。瘡之皮膚潰爛。浸淫不休而無定名者。虛者宜補。多攻少。實者宜清。血解毒。人中黃之設。多爲實熱之證所用。黑陷。痘瘡形色變黑而陷伏。多由邪火太熾所致。

【用量】普通八分至二三錢。

【禁忌】傷寒瘟疫。非陽明實熱。痘瘡非大熱鬱滯。因而紫黑乾陷者。均忌。小兒胎稟虛寒。體瘦色白者。亦忌之。

〔附錄〕

【囊清】又名金汁。主清痰火。消食積。治天行熱疾。心胃實熱。陽毒。熱狂。中惡。瘟疫垂死者。治惡瘡。解毒。及小兒初生。胎毒不散者。

人牙

【產地】乃人口中脫下之牙也。綱目人類。

【性味】味甘鹹。性熱。有毒。

【主治】人牙主發痘瘡陰疽。治倒靨。

【藏器】主除勞。治瘡。蠱毒氣。入藥須燒用。

【綱目】治乳癰未潰。痘瘡倒靨。

【註】蠱毒。爲蛇蟲之毒。下於食物中。食之。嗅之則中毒。其蠱或由自然。或由人造。多產於兩廣貴州一帶。各蠱毒均有解法。倒靨。痘瘡初出。爲風寒所襲。突變黑色或青紫。毒有內陷之象。謂之倒靨。參看人中白倒陷註。

【用量】普通三五分。

【禁忌】痘瘡方出之際。外爲風寒穢氣所冒。腠理閉塞。血澀不行。毒不能出。或變黑倒靨。宜用人牙以酒麝達之。若伏毒在心。昏冒不省人事。及氣虛色白。癢塌不能作膿。或熱癰紫泡之證。止宜解毒補虛。苟誤用此。則鬱悶聲啞。反成不救。故非易用之物也。

人乳汁

【產地】乃婦女產後。乳內生出之乳汁也。以頭胎或溫良無病之婦女所泌者爲良。綱目人類。

【性味】味甘鹹。性平。無毒。

【主治】人乳汁爲補虛潤澤要藥。主補五臟。滋血液。治老人便秘。療目痛多淚。止消渴。健腦髓。

【別錄】主補五藏。令人肥白悅澤。療目赤痛多淚。

【蘇恭】和雀屎去目中努肉。

【大明】益氣。治療憔悴。悅皮膚。潤毛髮。點眼止淚。

【註】努肉。目中瘀肉。突出於目兩眦。時覺疼痛者。消渴。有上消中消下消之別。其症善飢善渴。飲一澠一。飲一澠二。病由積漸而成。

【用量】普通爲哺兒服食之品。入藥無定量。

【禁忌】人乳性涼。滋潤燥渴。枯澀者宜之。若藏氣虛寒。滑泄不禁。及胃弱不思食。脾虛不磨食。均忌。

人參

【產地】我國吉林遼甯產者最良。山西長子縣。雲南姚安縣。安徽舒城縣。亦有出產。高麗產出頗富。日本美國亦有之。綱目山草類。

【性味】味甘微苦性微寒（或作性溫）無毒。

【主治】人參爲大補元氣要藥。功能治一切衰弱癆瘵。通行周身。補五臟之氣。瀉五臟之火。効益雖多。

而其功頗緩。紅色名別直參。（亦曰高麗參）性溫而力較峻。

【本經】主補五臟。安精神。定魂魄。止驚悸。除邪氣。明目。開心益智。

【別錄】療腸胃中冷。心腹鼓痛。胸脅逆滿。霍亂吐逆。調中止消渴。通血脈。

【甄權】主五勞七傷。虛損痿弱。止嘔噦。補五臟六腑。保中守神。消胸中痰。治肺痿。及痢疾冷氣上逆。傷寒不下食。凡虛而多夢紛紜者加之。

【李珣】止煩躁。變酸水。

【大明】消食開胃。調中治氣。殺金石藥毒。

【元素】治肺胃陽氣不足。肺氣虛促。短氣少氣。補中緩中。瀉心肺脾胃中火邪。止渴生津液。

【綱目】治男婦一切虛證。發熱自汗。眩運頭

痛。反胃吐食。痰癰。滑瀉久痢。小便頻數淋瀝。勞倦內傷。中風中暑。痿痺吐血。嗽血下血。血淋血崩。自汗盜汗。胎前產後諸病。

【註】消渴。見人乳汁條。五勞。心勞肝勞脾勞肺勞腎勞。七傷。凡大飽大怒氣逆。強力舉重。久坐溼地。形寒飲冷。憂愁思慮。風雨寒暑。恐懼不節。七者皆足致傷。或謂陰痿裏急精漏精少精滑。小便數爲七傷。總之五勞七傷六極。通言虛損之症也。肺痿。肺臟枯痿。似近時所謂肺癆結核症。金石毒。古人用金石藥煉丹服。以求長生。多易中毒得病。瘡。夜病爲瘡。晝病爲瘡。痿痺。痿弱也。癰。麻痺或不仁也。有風寒溼痺及周痺痛痺著痺五痺等類。

【用量】普通五分至三錢大劑一

兩。

【禁忌】凡肺家有熱諸證。及陰虛火動之候。與痘疹初發。身雖熱而斑點未形。與傷寒始作。形證未定。而邪熱熾。均忌反藜蘆。

【編者按】人參之見重於世甚久。而尤以有清一代。達官貴人。莫不餌之。以爲補身最妙。無過於參。且用爲貴重之禮品焉。上有好者。下必有甚焉。於是積習相沿。中人之家。亦莫不以一餌人參爲幸。窮苦病家。至垂危則典質稱貸以購人參。以爲可奪造化而起死回生。結果則人財兩失。故徐靈胎氏痛惡人參。以爲殺其人而傾其家者。人參也。且我國自朝鮮併日。而近來之

東北。又被竊據。若再樂用高麗吉林諸參。不啻殺其民而傾其國。竊願民衆之速破此結習也。查人參之功用。經西醫日醫數十年來之研究。對於其効益頗滋懷疑。而我國乃視爲百病靈藥。未免太甚。編者考人參之功用。不出下列數條。一、病後元氣傷者。用人參佐他藥以調理之。二、病人邪去正脫者。用人參佐他藥以扶持之。然皆非單用人參所能奏効。三、別直參治衰弱症。稍有補氣提神之効。如是而已。且人參天產者難得。皆由日韓廣種販運。（見日本各種醫藥書誌之記載）則其功用與本草所載之真人參。又有別矣。近來藥肆合丸。關於方中用人參者。大率以黨參代

之。功效亦殊不弱。鄙意以爲黨參一份。黃芪甘草各半。用以代人參。功效有過之無不及者。而玉竹一藥。時珍云。可以代參。鄙意以爲玉竹用淡附子製過。加入黨參等分。確可替代別直參。惟須倍其量耳。人參配合之方劑。古方有四君子湯。（人參白朮茯苓甘草）十全大補湯。生脈散。兩儀膏等。其著者也。（誤服參。萊菔子煎汁飲之立解。）

〔附錄〕

【參條】乃人參之橫生蘆頭上者。其力甚薄。止可用以調理常病。生津止渴。其性橫行。凡指臂無力者。服之甚效。

【參鬚】橫生蘆頭上而更細者其性與參條同而力尤薄。

【太子參】雖甚細如參條短緊結實而有蘆紋功似人參。

【參蘆】乃人參之蘆頭性苦溫能涌吐虛勞痰飲可代瓜蒂爲探吐良藥加竹瀝吐頑痰良。

【參葉】乃人參之葉大苦大寒損氣敗血其性與人參相反。

【珠兒參】參之產於閩中者味苦微甘性寒補肺降火肺熱者宜之。

【土人參】味甘淡香性微寒補氣生津治欬嗽喘逆痰壅火升久瘡淋瀝難產經閉瀉痢由於肺熱反

胃噎膈由於燥濕凡有升無降之症用之効。

〔編者按〕據本草從新云人參黨參土人參西洋參薺蔞沙參桔梗相似不可不辨。沙參體虛無心而味淡。薺蔞體虛無心而味甘。桔梗體堅有心而味苦。黨參體實有心而味甘。土人參體實有心而味甘淡。西洋參雖似遼東人參但氣味不香耳。

刀豆

【產地】處處有之多栽種於田園綱目穀部。

【性味】味甘性平無毒。

【主治】刀豆主溫中下氣補元陽利腸胃治病後呃逆。

【刀豆】主溫中下氣利腸胃止嘔逆益氣補元。

【刀豆殼】治腰痛久痢婦女經閉血痞腹脅脹痛（焙末好酒服加麝香尤妙）療喉癰（燒灰吹之）楊梅瘡（煎濃汁頻服）【刀豆根】治頭風用五錢酒煎服鼻淵焙末酒服。

【註】嘔逆即呃逆喉胸間似有氣上逆呃呃作聲而無物也鼻淵俗名腦漏鼻中流濁汁不止且多腥臭。

【用量】普通二三錢。

【禁忌】不詳。

三 畫

三七

【產地】我國湖廣一帶多產之山野自生庭園亦可栽植莖高二三尺根作團塊綱目山草類。

【性味】味甘微苦性溫無毒。

【主治】三七爲散瘀定痛要藥功能散一切惡血保一切新血治血瘀成腫成痛外敷能消腫止血。

【綱目】主止血散血定痛金刃箭傷跌撲杖瘡血出不止者嚼爛塗或爲末摻之血即其止亦主吐血衄血下血血痢崩中經水不止產後惡血不下血暈血痛赤目癰腫虎咬蛇傷諸病。

【日本】金魚將死入山漆葉（三七葉）汁於

魚口。卽活。無名瘡癰。按葉敷之。

【註】鰾血。血溢。出甚多也。如吐鰾鼻鰾之

類。崩中。謂血下崩。血痢。痢之挾血

或下純血者。血量。因血冲而昏暈也。

【用量】普通錢半至三錢。大劑一

兩左右。

【禁忌】無。

【編者按】三七散瘀血之功既偉。安新血

之功亦大。如昔時犯人於受杖前服一二

錢。血不冲心。杖後服。并未敷之。去瘀消腫

易愈。此其功之兼見者也。至於止吐下血。

則能安新血。治瘡退腫。則能化毒血。故凡

血證初起。卽欲止血。亦當先進三七。以免

瘀血留滯。爲他日患。單方。男女紅眼。十分

重者。三七根打汁。塗眼四周。甚妙。無名腫

土茯苓

毒。塗之亦效。狀似人參者佳。以末摻入豬
血。血化如水者真。

【產地】產我國四川湖北及南省

諸山谷中皆有之。蔓生如蓴。莖有

細點。根白。入藥。綱目蔓草類。

【性味】味甘淡。性平。無毒。

【主治】土茯苓爲楊梅瘡毒要藥。

主去風濕。利關節。解輕粉毒。治拘

攣骨痛。惡瘡癰腫。

【藏器】主食之當穀不飢。調中止血。健行不

睡。

【綱目】健脾胃。強筋骨。去風溼。利關節。止泄

瀉。治拘攣骨痛。惡瘡癰腫。解汞粉銀朱毒。

【註】拘攣。筋脈拘急也。

【用量】普通三五錢。大劑數兩。

【禁忌】忌茗醋。

【編者按】

土茯苓治楊梅結毒。須多服久

服。然後見功。治小兒遺傳梅毒。亦可。並療
癰疥淫瘡。瘡毒水腫。日人亦盛稱其効。時
珍曰。楊梅瘡有數種。治之則一。其證多屬
厥陰陽明。而兼他經。邪之所在。則先發出。
如兼少陰太陰。則發於咽喉。如兼少陽大
陽。則先發頭耳。蓋相火寄於厥陰。肌肉屬
於陽。明故也。醫用輕粉刮去痰涎。瘡即乾
愈。然毒竄經絡筋骨。血液枯涸。筋失所養。
變爲拘攣。癰漏廢疾。土茯苓能解輕粉毒。
用一兩爲君。苡仁金銀花防風木通木瓜

土當歸

白鮮皮各五分。皂角子四分。虛氣加人參
七分。血虛加當歸七分。名搜風解毒湯。治
未服輕粉。病深者月餘。淺者半月即愈。已
服輕粉。筋骨痠痛癱瘓者。亦效。一日三服。
忌茶牛羊鵝雞魚肉燒酒法麴房勞。蓋祕
方也。參看輕粉條。

【產地】山野多年生草。根入藥。拾
遺草類。

【性味】味辛。性溫。無毒。

【主治】土當歸主除風和血。

【括要】主除風和血。酒煎服。治手足閃掣。同
荊芥葱白煎湯淋洗之。

【拾遺】別有一種土當歸。又名荷包牡丹。用

其根搗汁沖服。令人沉醉。金瘡之聖藥也。
【註】金瘡。瘡口破裂出血。或爲刀箭毒藥所傷而常發者。

【用量】普通一二錢。

【禁忌】不詳。

大豆黃卷

【產地】黑大頭所製成。處處有之。

綱目穀類。

【性味】味甘。性平。無毒。

【主治】大頭黃卷爲清熱開胃。推陳去積要藥。主行水去濕。胃氣結積。治濕痺筋攣膝痛。

【本經】主溼痹筋攣膝痛。

【別錄】五臟不足。胃氣結積。益氣止痛。去黑

好潤肌膚皮毛。

【孟詵】破婦人惡血。

【綱目】除胃中積熱。消水病脹滿。宜腎。

【註】溼痹。四肢緩弱。皮膚不仁。或身作痠痛。宜利溼行水。宜通之法治之。廔生於面上。初起如塵垢。日久堅似煤形。枯暗不澤。大小不一。似俗所謂雀斑而黑。多因憂思抑鬱所致。

【用量】普通錢半至三錢。

【禁忌】惡海藻龍膽。

大青

【產地】我國各省多有產之。莖葉皆可入藥。別有一種名藍草。與此草同類。子名藍實。功用亦同。此草

內含藍汁。可以染色。綱目隰草類。

【性味】味苦微鹹。性大寒。無毒。

【主治】大青爲解散熱毒要藥。主傷寒時疾熱狂。陽毒發斑。清心涼胃。治金石藥毒。

【別錄】主時氣頭痛。大熱口瘡。

【弘景】除時行熱毒甚良。

【甄權】治溫疫寒熱。

【大明】治熱毒風。心煩悶。渴疾口乾。小兒身

熱疾。風疹。及金石藥毒塗罽腫毒。

【綱目】主熱毒痢黃疸喉痹丹毒。

【註】陽毒發斑。斑疹之屬於陽症者。其色

紫赤。其形燼腫。金石毒。見人參條註。

喉痺。見五倍子條註。

【用量】普通一錢至三錢。

【禁忌】此乃陰寒之物。止用以除天行熱病。不可施之虛寒脾弱之人。

〔附錄〕

【小青】多產福建。功用與大青相彷彿。主解蛇螫毒。治血痢腹痛。生搗汁敷癰腫瘡癤。

大風子

【產地】產我國南方熱地。子仁入藥。綱目喬木類。

【性味】味辛。性熱。有毒。

【主治】大風子爲殺蟲劫毒太瘡。癩瘋要藥。主風癰疥癩。治楊梅毒。

瘡。

【綱目】主風癰疥癩。楊梅諸瘡。攻毒殺蟲。

【註】麻瘋。即大風。又名瘋風。

【用量】普通一錢至三錢。

【禁忌】爲外科瘡瘍要藥。然能傷血。不可多服。

【編者按】大風子爲治麻瘋要藥。（麻瘋

初起。皮肉不仁。漸至毛髮盡落。即昔之所謂大風也。）近世發明實驗。確有特殊效。然服之每每礙胃。獲一益而旋招一損。故醫學家競相研究製爲針藥。以避內服。比年以來。雖收進步之益。猶未完全成功。則以是症調理。亦頗困難也。吾中醫於麻瘋症治法。恆以大風子與苦參合用。則更宜佐

大戟

以相當補益。庶免偏頗。是不可不審也。

【產地】山野或平澤自生之宿根

有毒草。產江浙等地。春生紅芽。莖高尺許。傷其莖。有白汁流出。根外部赤黃。內白色。入藥。綱目毒草類。

【性味】味苦。性寒。有小毒。

【主治】大戟爲泄臟腑水濕要藥。主消水腫。祛痰涎。利大小便。瀉痘毒陷。

【本經】主蠱毒。十二水。腹滿急痛。積聚。中風。皮膚疼痛。吐逆。

【別錄】頸腋癰腫頭痛。發汗。利大小便。

【大明】瀉毒藥。泄天行。黃病溫瘡。破癥結。